

**Láhkaásahus Finnmárkku šládjes lastavuvddiid suodjalanplána birra. Máze álbmotmeahci suodjaleapmi Guovdageainnu suohkanis, Finnmárkku fylkkas.**

Mearriduvvon Gonagasa geassemánu 29. b. 2007-mannosaš resolušuvnnain, geassemánu 19. b. 1970-mannosaš lága nr. 63 vuodul luonddugáhttema birra 8. paragrafas, gč. § 10 ja §§ 21, 22 ja 23. Birasgáhttendepartemeanta lea dan ovddidan.

**§ 1. Ráddjejuvvi**

Álbmotmeahcci guoská čuovvovaš dállo nr./doallo nr. Guovdageainnu suohkanis: 12/1, 12/2, 12/29.

Álbmotmeahcci gokčá su. 231 dekára sturrosaš areála.

Álbmotmeahci rájit bohtet ovdan Birasgáhttendepartemeantta kárttas mii lea beaiváduvvon geassemánus 2007 ja man mihttolávva lea 1: 5 000. Álbmotmeahci dárkilis rájit galget merkejuvvot eatnamii. Čieget merkejuvvojit koordináhtaiguin.

Suodjalanláhkaásahus oktan kárttain galgá vurkkoduvvot Guovdageainnu suohkanis, Finnmárkku fylkkamánni luhtte, Luondduhálddašandirektoráhtas ja Birasgáhttendepartemeanttas.

**§ 2 Ulbmil**

Suodjaleami ulbmil lea seailuhit measta lihkatkeahces lastavuovdeguovllu ekovuogádahkan oktan buot lunddolaš šattodagain ja ealliiguin. Guovllu erenoamáš kvalitehta lea molsašuddan gaskal dulveanavuovddi ja soahkevuovddi. Guovlu lea erenoamáš go dán oasis Finnmárkkus lea kontinentála gieddesoahkevuovdi.

Álbmotmeahci luondduvuđđosa dikšun lea dehálaš sámi kultur- ja ealáhusávkkástallamii. Guovllu galgá sáhttit geavahit boazodollui.

**§ 3 Suodjalanmearráduusat**

Álbmotmeahccái gustojit čuovvovaš mearráduusat:

1. Šattodat, dás maiddá jápman muorat ja miestagat, galget suodjaluvvot buot vahágahttima ja bilideami vuostá. Luonddumeahcis ii leat lohpi váldit šattuid dahje šaddoosiid. Ođđa šaddošlájaid gilvin ja buktin dohko eatnamii ja sáivačáhcai lea gildojuvvon.
2. Eallit, dás maiddá beasit ja biejut, leat ráfáiduhthojuvvon vahágahttima, bilideami ja dárbbasmeahhtun ráfahuhttima vuostá. Ealliid ii leat lohpi buktit dohko ja luoitit daid dohko eallit.
3. Dakkár doaibmabijuid ii galgga čadahit, mat rievdadit luonddubirrasa, numo hukset visttiid ja rusttegiid, áidut ja hukset eará gitta ja gaskaboddasaš ráhkanusaid, guođdit kámpenvávnnaid, bráhkáid jed, fatnasiid giddet boijjaide dahje guođdit gáddái, bidjat eatnanbajábeallásaš jodđasiid, eanajodđasiid ja duolvačáhcebohciid, hukset geainnuid, roggat goivvohagaid ja eara láhkai goikadit eatnamiid, váldit, deavdit ja vurket mássa, luoitit kloáhka dahje eará

čoahkaiduvvan nuoskkidanávdnasiid, guođđit doabbariid, duktet, kálket ja geavahit kemikálaid luottahuhttinávnnsin. Nuoskkideapmi lea gildojuvvon. Logahallas ii leat dievas.

4. Mohtorjohtolat eatnamis ja čázis, dás maiddáí áibmofievrru girdileapmi ja seaivun, lea gildojuvvon.
5. Álbmotmeahci geavahit lávvo- ja tealtaleairraide, valáštallanlágidemiide dahje eará stuorra lágidemiide lea gildojuvvon.
6. Luondduhálddašandirektoráhta sáhtta vuhtiiválddidettiin ráfáiduhhtinulbmila lálkkaásahusain gielldit dahje muddet johtolaga oppa álbmotmeahcis dahje dan osiin.

#### § 4 *Oppalaš spiehkastagat*

3. § mearrádusat eai hehte:

1. Militeara operatiiva doaimmaid dahje politiija-, gádjun-, ambulánsa-, buollinsuodjalus- ja bearráigeahččandoaimmaid, ja dakkár dikšun- ja hálddašandoaimmaid čađaheami, maid hálddašaneiseváldi lea mearridan. Hárjehallanvuodjin namuhuvvon doaimmaid oktavuodas gáibida sierra lobi.

3. § nr. 1-3 mearrádusat eai hehte:

2. Geavaheames guovllu guohtumii.
3. Geavaheanes goikeovssiid káfedollii.
4. Čoaggimis murjiid ja borramušguobbariid.
5. Bivdima ja gárduma fuođđolága vuodul ja guolásteami luossa- ja sáivaguolástanlága vuodul.
6. Ortnegisdoallamis dálá visttiid ja rusttegiid.
7. a) Doaimmas- ja ortnegisdoallamis dálá energiija- ja fápmorusttegiid. Geaseheapmi mohtorfievrruin gáibida sierra lobi, gč. 5. § nr. 3.  
b) Divvumis dárbbu mielde el-fápmolinnjáid fáhkka el-fápmojávkama oktavuodas. Go geavaha mohtorfievrru geaseheapmái, de galgá maŋŋá diedihit hálddašaneiseváldái.  
c) Dási buorideames/ođasmahttimis el-fápmolinnjáid ja sturrudeames jođasrastáčuohpahaga nu ahte sáhtta lohtet gealdodási nu guhká go dat ii eaktut mearkašahhti fysihkalaš rievdadusaid mat rihkkot suodjalanulbmila. Geaseheapmi mohtorfievrruin gáibida sierra lobi, gč. 5. § nr. 3.
8. Dálá dulve- ja erošuvdnaeastadanrusttegiid ortnegisdoallamis ja buorideames dárbbu mielde. Dálá rusttegiid ortnegisdoallan dahje daid buorideapmi galgá vuhtiiváldit suodjalanárvvuid ja dat galgá čađahuvvot birrasa dáfus dohkálaš vugiin.
9. Čorgemis ja njárbemis bálgáid ja muohtaskuhterláhtu.
10. Dárbbášlaš mohtorjohtolaga buohcci ja lálpmášuvvan šibihiid viežžama oktavuodas. Dat fievru mii geavahuvvo, ii galgga olus golladit luonddu. Ovdalgo vuodjá galgá diedihit bearráigeahčču.
11. Ávnnasteami duoji várás.

3. § nr. 1-4 mearrádusat eai hehte:

12. Vuodjimis muohtaskuhteriin dohkkehuvvon muohtaskuhterláhtu mielde. Álbmotmeahcis ii leat lohpi earránit skuhterláhtus.
13. Geavaheames mohtorfatnasa jogas.
14. Vuodjimis muohtaskuhteriin dárbbu mielde boazodoalu oktavuodas.

## **§ 5** *Vejolaš spiehkastagat ohcama vuodul*

Hálddašaneiseváldi sáhtta ohcama vuodul addit lobi:

1. Čuohppat sogiid iežas atnui.
2. Hukset šalddiid ja roviid, cegget galbbaid ja merket bálgáid.
3. Johtalit mohtorfievrruiguin dárbbu mielde go lea doaimmas- ja ortnegisdoallamin dálá enegiija- ja el-fápmorusttegiid ja buorideamen daid dási.
4. Geavahit mohtorfievrru dárbbu mielde dálvesiivun muoraid geasehit.
5. Johtalit mohtorfievrruiguin dárbbu mielde bievlan boazodoalu oktavuodas.
6. Geasehit mohtorfievrruiguin dárbbu mielde dálvesiivun ávdnasiid visttiid ja rusttegiid ortnegisdoallama várás.
7. Johtalit mohtorfievrruiguin dárbbu mielde hárjehallanvuodjima oktavuodas dakkár áigumušaiiguin, mat leat namuhuvvon 4. § 1. čuoggás.
8. Buoridit daid el-fápmolinnjáid dási dahje ođasmahttit daid el-fápmolinnjáid maidda ii guoskka 4. § 7. čuokkis.
9. Hukset ođđa el-fápmolinnjáid go dat ii rihko suodjalanulbmila.

Boazodoalu várás lámččojuvvo vejolašvuohta oažžut mánggajagáš lobiid, mat boazodoalus galget oktiordnejuvvot ja válđojuvvot mielde orohatplánii boazodoallolága vuodul, nu ahte ealáhusain sáhtta bargat dohkálaš vuogi mielde.

## **§ 6** *Oppalaš sierralohpemearrádušat*

Hálddašaneiseváldi sáhtta spiehkastit lámkaásahusas go suodjaleami ulbmil dan gáibida, ja dieđalaš iskkademiid oktavuodas, servodahkii mearkašahtti mávssolaš bargguid oktavuodas dahje erenoamáš dilálašvuodaid oktavuodas go dat eai rihko suodjaleami ulbmila.

## **§ 7** *Dikšun ja hálddašanplána*

Hálddašaneiseváldi, dahje dat geasa hálddašaneiseváldi fápmuda válldi, sáhtta čadahit dikšundoaibmabijuid maiguin ollašuhtta suodjaleami ulbmila. Sáhtta ráhkaduvvot hálddašanplána mas sáhttet leat dárkilet njuolggadusat dikšuma várás.

## **§ 8** *Hálddašaneiseváldi*

Luonduhálddašandirektoráhta mearrida geas galgá leat hálddašanváldi dán lámkaásahusa vuodul. Sámi beroštusat galget fuolahuvvot dan hálddašanortnegis mii ásahuvvo.

## **§ 9** *Fápmuiboahhtin*

Dát lámkaásahus boahhtá fápmui dálán.